

VÍS: Uppgjör 3. ársfjórðungs 2019 og uppfærð afkomuspá

Árshlutareikningur félagsins fyrir þriðja ársfjórðung 2019 var staðfestur af stjórn og forstjóra félagsins á stjórnarfundum þann 23. október 2019.

Helstu niðurstöður fyrir fyrstu 9 mánuði ársins 2019

- Hagnaður tímabilsins eftir skatta nam 1.798 milljónum króna samanborið við 1.462 milljón króna hagnað á sama tímabili árið 2018
- Ávöxtun fjáreigna var 7,5% samanborið við 5,4% á sama tímabili í fyrra.
- Arðsemi eigin fjár var 12,4% samanborið við 9,2% á sama tímabili í fyrra.
- Samsett hlutfall var 99,3% samanborið við 96,9% á sama tímabili árið 2018.

Helstu niðurstöður þriðja ársfjórðungs 2019

- Tap tímabilsins eftir skatta nam 394 milljónum króna samanborið við 910 milljóna króna hagnað á sama tímabili árið 2018.
- Gjaldþolshlutfall félagsins í lok tímabilsins var 1,56 samanborið við 1,52 við lok sama tímabils í fyrra.

Helgi Bjarnason, forstjóri VÍS:

„Þetta uppgjör sýnir vel sveifluna í rekstri tryggingafélaga. Á meðan níu mánaða uppgjörin okkar er framúrskarandi og eitt það besta frá skráningu með góðan hagnað og 12,4% arðsemi eigin fjár þá litast uppgjör þriðja ársfjórðungs m.a. af verri afkomu af skráðum hlutabréfum í eigu félagsins. Það varð til þess að við sendum frá okkur afkomuviðvörðun í byrjun október. Þá er tjónahlutfall hærra en á sama tíma í fyrra sem skýrist að stærstum hluta af stærri tjónum og lækkun vaxta.“

Í fararbroddi í styttingu vinnuvikunnar

Það gleður mig að segja frá því að við höfum ákveðið að ríða á vaðið með styttingu vinnuvikunnar í samræmi við síðustu kjarasamninga. Samkvæmt þeim á styttingin að taka gildi 1. janúar 2020 en við höfum ákveðið að hún taki gildi strax um næstu mánaðarmót, 1. nóvember. Við munum stytta vinnuvikuna um 45 mínútur á föstudögum og teljum, eftir samráð við starfsfólk, að mesti ávinningurinn náist með þeirri útfærslu. Við erum sannfærð um að þetta stuðli að betra jafnvægi milli vinnu og einkalífs og um leið geri vinnustaðinn okkar enn fjölskylduvænni.“

Horfur

Uppfærð afkomuspá félagsins gerir ráð fyrir að samsett hlutfall fyrir árið 2019 verði 99,0% og að hagnaður fyrir skatta verði um 2,5 milljarðar króna. Sveiflur hafa verið á mörkuðum að undanfögnu en þrátt fyrir það höfum við væntingar um að ávöxtun eigin fjár verði um 15% á árinu 2019.

Kynningarfundur

Opinn kynningarfundur fyrir markaðsaðila og fjárfesta vegna uppgjörins verður haldinn fimmtudaginn 24. október í húsnæði félagsins Ármúla 3 klukkan 8.30.

Á fundinum mun Helgi Bjarnason forstjóri kynna uppgjör félagsins og svara spurningum.

Kynningarefni fundarins verður hægt að nálgast á íslensku og á ensku á heimasíðu VÍS:

<https://www.vis.is/vis/fjarfestar/fjarfestar/>. Að auki verður hægt að fylgjast með fundinum í beinni útsendingu og nálgast upptöku að honum loknum á vefslóðinni: <https://www.vis.is/vis/fjarfestar/fjarfestafundur>

Nánari upplýsingar

Nánari upplýsingar veitir Óskar Þorvaldsson samskiptastjóri í netfanginu fjarfestatengsl@vis.is

	m.kr.	3F 2019	Δ %	3F 2018	9M 2019	Δ %	9M 2018
Rekstur	Iðgjöld tímabilsins	6.068	1,9%	5.956	17.302	3,3%	16.753
	Eigin iðgjöld	5.830	1,1%	5.769	16.672	3,0%	16.186
	Fjármunatekjur	-237	-155,5%	427	2.563	39,2%	1.842
	Heildartekjur	5.626	-9,5%	6.217	19.308	6,7%	18.100
	Tjón tímabilsins	-4.832	26,6%	-3.815	-13.160	4,9%	-12.540
	Eigin tjón	-4.534	19,2%	-3.803	-12.734	4,8%	-12.151
	Rekstrarkostnaður	-1.422	12,4%	-1.265	-4.257	5,2%	-4.047
	Heildargjöld	-6.046	17,7%	-5.136	-17.221	5,0%	-16.408
	Hagnaður	-394	-143,3%	910	1.798	23,0%	1.462
Hlutföll	Tjónahlutfall	79,6%	24,3%	64,1%	76,1%	1,6%	74,9%
	Eigið tjónahlutfall	77,8%	18,0%	65,9%	76,4%	1,7%	75,1%
	Kostnaðarhlutfall	21,1%	14,2%	18,5%	22,2%	5,0%	21,1%
	Endurtr. kostnaðarhlutfall	-1,0%	-135,2%	2,8%	1,1%	11,7%	1,0%
	Samsett hlutfall	99,7%	16,8%	85,4%	99,3%	2,5%	96,9%
	Gjaldþolshlutfall				1,56		1,52
	Eiginfjárlutfall				28,4%		31,6%
	Arðsemi eigin fjár				12,4%		9,2%
	m.kr.				30/09/2019		31/12/2018
Efnahagur	Eignir						
	Fjárfestingar				33.340		33.021
	Handbært fé				1.967		1.263
	Viðskiptakröfur				8.521		6.932
	Aðrar eignir				7.075		5.935
	Eignir samtals				50.903		47.150
	Skuldir						
	Eigið fé				14.465		14.910
	Víkjandi skuldabréf				2.735		2.714
	Vátryggingaskuld				28.914		26.246
	Aðrar skuldir				4.789		3.279
	Skuldir samtals				50.903		47.150
	Hagnaður á hlut				0,94		0,72



Afkomuspá Vátryggingafélags Íslands

Spáin gerir ráð fyrir að hagnaður ársins 2019 fyrir skatta verði rúmlega 2,5 milljarðar króna og samsett hlutfall ársins verði 99,0%

- ➔ Fjárfestingastefna VÍS miðar að því að samsetning eigna hámarki ávöxtun miðað við þann áhættuvilja sem settur hefur verið. VÍS hefur skilgreint áhættuvilja félagsins út frá gjaldþolshlutfalli sem er á bilinu 1,35 – 1,70
- ➔ Félagið tilkynnir, að öðru óbreyttu, sérstaklega ef frávik frá væntum hagnaði ársins 2019 fyrir skatta er umfram 10%
- ➔ Spáin verður uppfærð ársfjórðungslega, birt í afkomutilkynningum og kynnt í fjárfestakynningum félagsins

|| Afkomuspá ||

	4F 2019	1F 2020	2F 2020	3F 2020	12 Roll	Spá 2019
Tjóna- og endurtr.hlutfall	76,8%	75,6%	70,8%	77,2%	75,1%	77,1%
Kostnaðarhlutfall	21,3%	22,0%	21,5%	19,8%	21,1%	21,9%
Samsett hlutfall	98,0%	97,6%	92,2%	97,0%	96,2%	99,0%
Hagnaður fyrir skatta	421	530	763	610	2.324	2.508
Ávöxtun fjáreigna	1,5%	1,8%	1,6%	1,8%	6,6%	9,0%

Fyrirvarar

- Afkomuspár félagsins eru háðar fjölda áhættu - og óvissupáttu sem geta þýtt að raunverulegur árangur í framtíðinni verði umtalsvert frábrugðinn því sem greint er frá í spá þessari.
- Félagið upplýsir mánaðarlega til markaðar um samsett hlutfall og ávöxtun fjáreigna í mánuðinum á undan.

Nánari upplýsingar veitir Óskar Hrafn Þorvaldsson samskiptastjóri í síma 660 5252